

Dez helfen mir di hiligen nom drei
 Wi meht ich dich .N. immer paz gesegeu
 Dann mit dem segne vnd mit dem heiligen segne
 Christ der vil gvt
 Durch des hiligen christes blut
 N. dein hertz daz sei dir stainen
 Dein haubt sei dir stechlein
 Der himel mvzz din schilt sin
 Das pardis ste dir offen
 Di hell sei verslozen
 Ellev waffen sin vor dir verirret
 Daz si dich nicht ensniden
 Vnd daz si dich vil gar vermiden
 Di gesmit wurden
 Sind daz christ geboren ward
 Denne di deinen al ein
 Di sniden swen ich mein.
 Sand gall diner spis pfleg
 Sand gerdrut dir gut herberge geb
 Der man vñ di sunne
 Di welavhten dich mit fravden vnd mit wanne
 Dir geschech als manich gut
 Sam manich tropfe in daz mir tut
 Tobyas daz kint daz chom sich wider mit vröli-
 chem mut.
 alsam mvzzest du .N. mit vrölichem mvt haim
 vz dinem aigen gut. amen.
 Elyas vnd enoch di lebent paid noch. vñ wurden
 ni entwelt ires libes vñ ires gvtes. sam mvzz-
 est du N nimmer entwelt werden dins leibes vñ
 dines gvtes. amen.

(clm.17051 (Scheftlarn 51); v.j.1318)